

聖旨符錄一節止許張真人門下出給欽此

四月

命進太上延禧錄建齋五壇禮成

特命更給驛券還山

命邀請真仙張三伴勅

勅真人張宇初今獲去請張真仙書一通香

一炷真仙到山中爾即投此敬邀一來以

慰朕企佇之誠故勅

廣 運

永樂六年十月初七日

書一
之 寶

七年

再命尋訪張三伴

說與張真人爾可用心尋訪張三伴老師傳

此數日我心神有特與相遇之意如得見

爾可與之同來須厚加禮遇切勿輕忽故

勅

廣 運

永樂七年八月十三日

之 寶

八年

大駕駐蹕北京

皇太子監國遣行人陳遠

賜祭曰卿風究玄範紹乃祖風守素抱冲

光闡教事祝釐迎綴用效勤勞膺受恩榮

厥有年歲何其一旦遽然長逝聞之悼傷

爰特賜祭惟靈不昧庶其饗之

九年

天衷追悼遣行人蕭榮特加

諭祭曰爾懷清靜順真葆和究洞玄太微之

秘明無極自然之體游神太素秉握道樞

呼吸風霆幹運靈化光揚祖範綱領玄宗

上以陰翊皇度下以濟拔群生方期永贊

於鴻禧何以儵然而羽化爰特遣人賜祭

用示朕懷爾其饗之

皇明恩命世錄卷之三

皇明恩命世錄卷之四

四十四代大真人張宇清

永樂八年十月

大駕南還

召見

命熙朝天宮

授大真人誥

奉

天承運

皇帝制曰朕惟道教崇清虛之本極功化之

妙上以陰翊皇度下以福被民庶為世所

重有自來矣爾張宇清肇自初祖精于玄

理闡鴻濛之道秘替造化之神功斯以利

濟群生法傳後裔迨爾父兄皆欽承我

太祖高皇帝大恩寵命俾領道教今爾兄既

逝爾當嗣之特命爾為正一嗣教清虛冲

素光祖演道大真人領道教事爾其精白

一心益臻至道闡揚祖範永贊皇禧欽哉

制 誥

永樂八年十一月二十一日

之寶

十一年

命擇好道之士遣用勅

勅正一嗣教真人張宇清爾遣道士王友來進表朕以靈應圖光圖示之彼乃不好道

者觀之默無一語未終一二紙即欲起身其心誠有所不信今後差使必擇好道崇重本教者遣之庶光輔於玄門有裨益於道宗也故勅

廣運

永樂十一年七月初四日

之寶

頒賜太和圖光圖并柳梅勅

勅正一嗣教真人張宇清武當天下名山真武成道靈應感化之地元末宮觀悉燬

于兵遂使羽人逸士修煉學道者無所依

仰朕積誠于中命創建宮觀上以資薦

皇考

皇妣在天之靈下為天下生靈祈福

天真感格靈應屢臻圖光燭霄柳梅垂寶臣

下繪圖并以柳梅來進恭以薦

先須賜廷臣用耶

神脫茲特遣人齋圖及柳梅百顆賜爾爾其欽受之故勅

廣運

永樂十一年七月初四日

之寶

命選武當山住持勅

勅正一嗣教真人張宇清武當天下名山真武成道靈應頭化之地元末宮觀悉燬

于兵遂使羽人逸士修煉學道者無所依

仰朕積誠于中命創建宮觀上以資薦

皇考

皇妣在天之靈下為天下生靈祈福俾雨暘

時若災沴不生年穀豐登家給人足今官

觀告成而

神明屢顯休應圖光煜燁五色燦爛

神像昭彰見于光內觀者數十萬人咸加

歎異已賜名曰

玄天王虛宮

紫霄太玄宮

五龍興聖宮

南巖太聖宮然此名山勝境必得高人羽士以住持看守南巖大聖宮已管令右正一孫碧雲為住持外其三處爾即選有道

行者各二人為住持別選至誠敬謹道士每處各五十人看守如一時揀選不如數隨爾所選得若干人就分派四處看守精進修行興隆道教故勅

廣運

永樂十一年八月二十五日

之寶

本年九月

詔遣使詣山就大上清宮建金錄太齋七日并齋給緡錢俾市魚置放溪中

賜名曰放生池禁人網釣

十三年

詔修大上清宮并

勅建真懿觀築堤防護浮橋

十五年

命分獻西鎮壇

命禱于福建靈濟宮瑞應獎勅

勅正一嗣教真人張宇清比者

洪恩真君於福建靈濟宮修建金錄大齋

黜謝上真為朕祈祝特舉爾代行科事啟

書二

壇之初陰雨開霽天日融明既至敷宣秘

典威揚大範

天人和同百靈翕集而七日之內嘉祥疊

薦景祝駢臻慶雲燦五色之文寶帶騰九

霄之彩神靈表見變化不測青鸞白鶴翔

舞交集斯皆

洪恩真君敷錫顯靈實亦由爾光揚祖範

道契至真對越有嚴之所致也而

洪恩真君亦稱爾敷奏勤誠

上玄鑒悅非爾敬謹篤至曷克臻茲今特

賜勅褒獎用伸朕懷爾尚茂隆道行益振

玄風弘演清虛之教統承大道之宗翊我

國家永臻至治欽哉

勅命

永樂十六年正月 日

之寶

十六年

召勅

勅正一嗣教真人張宇清勅至爾即帶領高

道來朝故勅

書二

廣運

永樂十六年二月初十日

之寶

本年三月

命祠玄帝金像于太和山五月

命治平浙江潮患

十七年

封孫氏玄君誥

奉

天承運

皇帝制曰婦以夫榮國有常典道以教崇爾

惟克相正一嗣教清虛冲素光範演道大

真人張宇清妻孫氏懿恭生自名門米配

仙裔柔嘉温靖泰肅和平婦道式全宜廣

寵錫今特封爾為端靜貞淑妙惠玄君尚

克敦承永光恩命

制誥

永樂十七年正月初四日

之寶

十八年

召見

命率羽士千八百人修玉籙大齋本年十月

又

命建普度大齋于靈濟

十九年正月朔

命分獻星辰壇

命建保安醮七日

上比伐還京

命祈謝大齋瑞應獎勅

勅正一嗣教真人張宇清

書二

朕比者躬率六師徃征胡寇仰荷

穹祇錫佑

玄天上帝洪恩真君翊贊維持初庇護佑

俾士馬威臻康泰徃復平寧永懷恩德銘

刻弗忘是用命爾等修建祈恩大齋特伸

昭報用表中忱爾等克承朕命齋潔至誠
精嚴對越弘宣妙典揚闡宗風感孚天地
神明昭錫景既登薦靈祥卿雲彩繭充滿
太虛輪菌佈護或黃或青流丹或紫五色
炳煥郁郁紛紛輝霍流動升降卷舒變化

不測復有祥光五色綿亘天表璘璘璀璨
熠燿冲融或圓若日輪或直若垂虹或覆
護于壇宇或映帶于宮苑山川出色草木
增華天人懽慶福被幽明朕心慰悅莫罄
名言茲特賜勅褒獎用彰感應之妙爾等
尚益功行弘藏宗教永贊鴻圖陰翊皇度
福國利民以副朕拳切之懷故敕

勅命
永樂十九年 月 日

命醮于太和山
二十二年

命建薦揚太齋瑞應獎勅
勅正一嗣教真人張宇清
朕惟上帝以好生為德故玄元以惠濟為

教其體清靜無為其用神妙無方得其妙
者斯能見諸功用蓋上則有以陰翊皇度
下則有以福被幽明歷代所紀具有明徵
朕祇承天序恭事
上帝惓惓風夜仰惟

皇考皇妣聖靈在上哀慕無極劬勞大德欲
報無由敬遵道教召天下道士奉建薦揚
大聲爾能恪承朕命躬率道眾致其精虔
闡揚寶範用達朕之誠悃靈既昭答自初
至于訖事天宇澄明凝寒之月雲飈不作
和氣冲融瑞景式昭福應斯集固本于
上帝與朕

皇考皇妣之悅鑿亦爾等敬用朕命以克臻
茲朕既嘉贊之仍賜勅獎諭尚其益精爾
道益篤爾行宣揚玄教上以祈福宗社下
以普利生靈汝其懋哉故勅

勅命
永樂二十二年 月 日

宣德元年

召見
錫宴內殿

推恩申錫嘉號勅
勅正一嗣教真人張宇清
朕惟玄元之道先天地不見其始後天地

不見其終根柢群品神妙萬化然其本體
至清靜無為故歷代崇獎用弘清靜之治
焉我國家重道德之教爾父爾兄咸克祇
事既爾嗣厥職

皇祖太宗皇帝錫之以美號寵之以厚恩至
矣爾克篤誠敬用不忝榮命十有餘年繼
事

皇考仁宗昭皇帝亦克恭慎朕惟
祖宗之所重也達孝推恩用申錫爾嘉號曰
正一嗣教清虛冲素光祖演道崇謙守靜
洞玄真人掌天下道教事夫靜者道之
本謙者德之柄澹以處靜恭以履謙靜斯
安安斯一謙斯虛虛斯明簡約而息外驚
篤實而有光輝務玄之道孰切于尚其祇
服丕衍宗風懋之哉故勅

諭祭曰惟爾崇修玄素志慕清虛徹法錄之
科探清微之旨闡道範光振宗風祇事
先朝累效勤懇朕續承大統申錫嘉稱方期
澁乃精誠導迎景貺告歸幾日奄忽長終
訃音來聞良用悼歎茲特遣人賜爾祭葬
靈爽不昧庶其饗之

皇明恩命世錄卷之四

書二

皇明恩命世錄卷之五

四十五代大真人張懋丞

洪武三十二年初父張宇瑛蒙

太祖高皇帝聞其賢與無為真人宇初同被

召對稱旨

書二

特命御史中丞護軍誠意伯劉基以其弟之

女妻之

宣德二年

召見

賜宴便殿

四年

召問命進太上延禧錄仍

命建延禧醮于大內四月

命陪祀

太廟

授大真人誥

奉

天承運

皇帝制曰朕惟玄元之道清靜無為根抵群
倫神妙萬化上陰翊於治理下利澤於生

靈歷代以來咸加獎勵爾張懋丞自其先
世崇修至道爾祖爾伯皆克祇承今爾當
嗣特命爾為正一嗣教崇修至道葆素演
法大真人領道教事爾其虔奉玄範茂振
宗風導迎鴻禧翼贊皇祚欽哉

制誥

宣德四年四月 日

之寶

五年

命分獻東鎮壇

命醮于仁智殿三月

上御西宮

召對

詔授上清宮高道孫克弘龔繼宗賴福淵黃

嘉佑等道錄官仍遣中官黎都至山起之

贈孫氏玄君誥

奉

天承運

皇帝制曰國家崇獎道教於正一真人之嗣
既有褒封而其嗣之內助益亦與榮焉正